

– Աղջի՛, – դարձեալ ձայն տոեց նա, – մի բան պատրաստեցէք դրանք ուտեն, ճանապարհից են գալիս, քաղցած կը լինեն:

Նրա ձայնը աւելի որոտում էր, քան թէ խօսում էր:

– Ճանապարհից եկած հիւրերի նախ ձիերին են կերակրում, – նկատեց վարպետ Փանոսը:

– Այդ որ իմանում ես, դէ՛ վեր կաց, ահա՛ այնտեղ խոտ է դրած, տար ածիր ձիերի առջեւը, – պատասխանեց նա խոտի դեզը ցոյց տալով: – Տեսնում ես, որ ծառաները տանը չեն:

Վարպետ Փանոսը գնաց ձիերին ճարակ տալու: Նա դարձաւ դէպի Ասլանը.

– Չարմանալի մարդիկ են այդ քաղաքացի կոչոածները, սովորել են միշտ գիւղացուն բանեցնել, իսկ իրանք հանգիստ նստել:

Մեր հիւրընկալին կոչում էին Բերգէն-օղլի, որ նշանակում է յոյնի որդի է: Նա ազգով հայ էր եւ նոյն գիւղացի, բայց երկար ժամանակ Յունաստանում ապրելով, եւ Բալկանեան թերակղզու վրայ թափառելով, այդպիսի անուն էր ստացել: Տեսնելով նրան, ես մտաբերում էի «գժինէ, բայց բարեսիրտ, սրտաբաց եւ ուղղախօս քահանայի եւ կոպիտ նաւավարի մէջ այն զանազանութիւնը միայն կար, որ վերջիս սաստիկ մաղձոտ եւ դառնացած էր երեւում ինձ: Գուցէ աստանդական կեանքը, անյաջողութիւնները եւ ինձ անյայտ հանգամանքներ՝ նրա բնաւորութեանը տոեւ էին այդպիսի կոշտ, կոպիտ եւ մթին յատկութիւններ: Միթէ՞ ծովի, դեղածիծաղ ալիքների, լուսընկայ գիշերների հետ միշտ գործ ունեցող մարդը, միթէ՞ ծովային զեփիւռի քաղցր մեղեդին միշտ լսող մարդը կարող էր այդպէս մաղձոտ լինել...

– Դուք եղա՞ք Մոնտենեգրոյում, – հարցրեց Ասլանը:

– Եղայ ե՛ւ Մոնտենեգրոյում, ե՛ւ Սերբիայում, ե՛ւ Բուլգարիայում...ամեն տեղ եղա... – պատասխանեց նա տխուր կերպով:

Ասլանը ժպտաց:

– Ինչո՞ւ էք զարմանում, վանեցին ո՞ւր չէ գնում. աշխարհի բոլոր անկիւններում կարելի է տեսնել նրան: Մէկը Յնդկաստանում տեսել էր մի կաղ վանեցի եւ ծիծաղելով ասել էր. «Եթէ վանեցու կաղը մինչեւ Յնդկաստան է հասել, ոտներ ունեցողը Չինաստանից էլ կանցնի»: – Այդպէս է մեր վիճակը:

Վաղ առաւօտեան դուրս գալով Այգեստանից, մենք մի թեթեւ նախաճաշիկ էինք արել: Ասլանը թեւեւ ուտելու ցանկութիւն չունէր, բայց ես մի առանձին ախորժակով էի նայում սեղանի վրայ, որ մանկահասակ աղջիկը